

Kenneth Croes a logra su meta di a landa di Colony pa Tamarijn Beach Hotel



ORANJESTAD(AAN)-- Ayera mainta pa ser exacto 9.50 a.m. e ultra atleta Kenneth Croes a logra su meta di a landa di Colony pa Tamarijn Beach Hotel, pa e preparacion pa su hazaña di dia 28 di augustus proximo landando di Aruba pa Venezuela.

Nos reporterero den oranan di mainta tabata tristo promer cu Kenneth a sali for di Colony.

Cu tur tranquilidad Kenneth tabata conversa cu tur hende, mas ainda mester bisa si cu e divers nan cu mester a compañía Kenneth no a presenta, tabata un lastima, pero Kenneth no a laga e cos aki preocupe a dicidi cu e ta sali sin nan cu un retrazo

di un ora.

Durante su trayecto di ayera el a worde compañía pa dos yate un di sr. Pichardo dicual yate tabata full equipo cu aparatonan tecnico.

Promer cu Kenneth a sali for di Colony, el a haya asistencia tecniconan di Maikito Croes cu kende a haci tur preparacion pa Kenneth pa e por a logra e meta di e distancia di 24 kilometer.

Sr. Ireño Kock instructor, tambe a haci de lo posibel pa Kenneth.

Na e sitio di salida na Colony tabata presente personal di Rode Kruis, cual algun di nan tambe a bay riba yate pa cualkier caso di emergencia.

Kenneth Croes su meta ta pa realisa den cuadro di su campaña anti-droga y pa promove practica di deporte y atletismo, cerca e hubentud Arubano.

Diario ta felicita Kenneth pa su logro di ayera y tambe pa e sigui pa cu su preparacion pa dia 28 di Augustus.

